

Reg.
02. Exam
02/8/2022



বাংলাদেশ কারিগরি শিক্ষা বোর্ড

পরীক্ষা নিয়ন্ত্রণ বিভাগ (ডিপ্লোমা শাখা)
৮/সি, আগারগাঁও, শেরেবাংলা নগর, ঢাকা-১২০৭
Website : www.bteb.gov.bd



স্মারক নং: ৫৭.১৭.০০০০.৩০১.৩১.০০২.২২.১০৫

তারিখ: ১১-০৪-২০২২ খ্রিঃ

ডিপ্লোমা-ইন-ইঞ্জিনিয়ারিং পরীক্ষা সংক্রান্ত জরুরি নির্দেশনা

বিষয়: অনলাইনে প্রাপ্ত প্রশ্নপত্র ডাউনলোড ও প্রিন্ট করে নির্দিষ্ট সময়ে পরীক্ষা কক্ষে পৌছানো পর্যন্ত নিরাপত্তা ও গোপনীয়তা সুনিশ্চিতকরণ এবং পরীক্ষার্থীদের দেহ তল্লাশী করে পরীক্ষা শুরুর ৩০ মিনিট পূর্বে কেন্দ্রে প্রবেশ নিশ্চিত করা প্রসঙ্গে।

উপর্যুক্ত বিষয়ে সংশ্লিষ্ট সকলকে জানানো যাচ্ছে যে, কারিগরি শিক্ষা ব্যবস্থায় অনলাইনে প্রশ্নপত্র প্রেরণের মাধ্যমে পরীক্ষা গ্রহণ একটি যুগান্তকারী সাফল্য। প্রশ্নপত্র ছাপানো, ট্রাংকের মাধ্যমে সংশ্লিষ্ট জেলার ট্রেজারীতে প্রেরণ ও গচ্ছিত রাখা, প্রতিদিন প্রতিবেলা পরীক্ষা শুরুর পূর্বে ট্রেজারী থেকে পরীক্ষার প্রশ্ন কেন্দ্রে আনা ইত্যাদি সকল প্রকারের ঝুঁকি-ঝামেলার অবসান ঘটিয়ে নিজেদের ব্যবস্থাপনায় কার্য সম্পাদনের সুফল সকল কেন্দ্র ভোগ করছে। এ সাফল্য ধরে রাখার জন্য কেন্দ্রের ভারপ্রাপ্ত কর্মকর্তাসহ সংশ্লিষ্ট সকলকে সচেতন এবং সার্বক্ষণিক তৎপর থাকতে হবে অন্যথায় প্রশ্নপত্র ফাঁসের মত অনৈতিক ঘটনা ঘটার ফলে পুনরায় ট্রাংক ব্যবস্থাপনায় ফিরে যেতে হবে- যা হবে কারিগরি শিক্ষা ক্ষেত্রে সর্বোচ্চ ব্যর্থতা।

কেন্দ্রের ভারপ্রাপ্ত কর্মকর্তাদের সর্বোচ্চ সতর্কতা এবং ত্যাগের মাধ্যমে এ লক্ষ্য বাস্তবায়ন সম্ভব, অন্যথায় স্থানীয় জনপ্রশাসনের ম্যাজিস্ট্রেটের উপস্থিতিতে প্রশ্নপত্র ডাউনলোড, ছাপানো এবং পরীক্ষার কক্ষে প্রশ্নপত্র পাঠানোর ব্যবস্থা নিশ্চিত করতে হবে। সেক্ষেত্রে সকল ব্যয়ভার কেন্দ্র সচিবকেই বহন করতে হবে। তাই কেন্দ্রের ভারপ্রাপ্ত কর্মকর্তাগণ তার প্রতিষ্ঠানের একাডেমিক কাউন্সিলের সদস্যদের মাধ্যমে -

১. পরীক্ষার বিজ্ঞপ্তিতে উল্লেখিত প্রয়োজনীয় নির্দেশনাবলির ১.৯ ধারায় উল্লেখিত নির্দেশনা অনুসরণ পূর্বক পরীক্ষা শুরুর ৩০ (ত্রিশ) মিনিট পূর্বে যে সকল পরীক্ষার্থী পরীক্ষার কক্ষে উপস্থিত হবে না তাদের নাম, রোল নম্বর, রেজিস্ট্রেশন নম্বর, পর্ব, টেকনোলজি, শিফট, প্রবেশের সময়, বিলম্ব হওয়ার কারণ ইত্যাদি উল্লেখপূর্বক প্রতিবেদন ঐদিনই বোর্ডে প্রেরণ করতে হবে এবং একই পরীক্ষার্থী একাধিক দিন বিলম্ব করলে তার কারণ তদন্ত করে বোর্ডে প্রেরণ করতে হবে। বিষয়টি সকল পরীক্ষার্থীর অবগতির জন্য নোটিশ জারী করে পরীক্ষা কক্ষে প্রচার করতে হবে।
২. কেন্দ্রের ভারপ্রাপ্ত কর্মকর্তা নিজে উপস্থিত থেকে তার তত্ত্বাবধানে সংশ্লিষ্টদের নিয়ে প্রশ্নপত্র ডাউনলোড, ছাপানো এবং পরীক্ষার হলে পাঠানোর জন্য বাছাই কার্যক্রম করছেন তা বোর্ডের চেয়ারম্যান মহোদয়ের নিকট ভিডিও কলের মাধ্যমে প্রত্যক্ষ করানোর ব্যবস্থা গ্রহণ করতে হবে। নিরাপদ এবং নিশ্চিত পরীক্ষা ব্যবস্থাপনা বাস্তবায়নের লক্ষ্যে কেন্দ্রের ভারপ্রাপ্ত কর্মকর্তাগণের সুচিন্তিত মতামত চেয়ারম্যান মহোদয়ের বরাবরে লিখিতভাবে জানাতে পারেন। উল্লেখ্য, কেন্দ্রের ভারপ্রাপ্ত কর্মকর্তা ব্যতীত পরীক্ষার দিন অন্য কারও নিকট যে কোন প্রকার মোবাইল ফোন রাখা যাবে না।

কারিগরি শিক্ষা ব্যবস্থার সুনিশ্চিত সাফল্য বজায় রাখার স্বার্থে চেয়ারম্যান মহোদয়ের নির্দেশক্রমে সংশ্লিষ্ট সকলকে উপরোক্ত নির্দেশনা বাস্তবায়নের জন্য অনুরোধ করা হলো।

১১-০৪-২০২২

(প্রকৌশলী মোঃ আবদুর রহমান)

পরীক্ষা নিয়ন্ত্রক

ফোনঃ ০২-৫৫০০৬৫২৫

তারিখ: ১১-০৪-২০২২ খ্রিঃ

স্মারক নং- ৫৭.১৭.০০০০.৩০১.৩১.০০২.২২.১০৫ (১১)

উপরোক্ত বিজ্ঞপ্তির অনুলিপি অবগতি ও প্রয়োজনীয় কার্যার্থে প্রেরিত হলো (জ্যেষ্ঠতার ভিত্তিতে নহে):

১. সচিব, শিক্ষা মন্ত্রণালয়, কারিগরি ও মাদ্রাসা শিক্ষা বিভাগ, বাংলাদেশ সচিবালয়, ঢাকা।
[দৃষ্টি আকর্ষণঃ অতিরিক্ত সচিব (কারিগরি)]
২. মহাপরিচালক, কারিগরি শিক্ষা অধিদপ্তর, ঢাকা।
- ৩-৬. সচিব/পরিচালক(কারিকুলাম)/পরিচালক (আইটিসি)/পরিদর্শক, বাংলাদেশ কারিগরি শিক্ষা বোর্ড, ঢাকা।
৭. কেন্দ্রের ভারপ্রাপ্ত কর্মকর্তা (সংশ্লিষ্ট সকল কেন্দ্র)।
৮. উপ-পরীক্ষা নিয়ন্ত্রক (গোপনীয়), বাংলাদেশ কারিগরি শিক্ষা বোর্ড, ঢাকা।
৯. সিস্টেম এনালিস্ট, বাংলাদেশ কারিগরি শিক্ষা বোর্ড, ঢাকা।
১০. চেয়ারম্যান মহোদয়ের পার্সোনাল অফিসার, বাংলাদেশ কারিগরি শিক্ষা বোর্ড, ঢাকা।
১১. নথি।

১১-০৪-২০২২

(মোহাম্মদ আবুল শাহিন কাওছার সরকার)

উপ-পরীক্ষা নিয়ন্ত্রক (ডিপ্লোমা)

ফোন : ০২-৫৫০০৬৫৩১